



Jinghpaw Wunpawng Amyu Sha Hpung Kachin National Organization

Email: info@kachinland.org, Website: www.kachinland.org

Jinghpaw Wunpawng Amyu Sha Hpung a ya yang na mung masa lam n tsa n dau shabra laika

1. 2010 ning a ra lata poi gaw tinang amyus sha lawt lu lam a mahtai n rai nga ai hte maren tinang amyus sha ni hpa myit ung ang ai lam n-nga ai sha ninghkap wa na matu aja awa ndau shabra dat ai.
2. Myen mung dan a mang hkang n pawt gaw shinggyim ahkaw ahkang hkrat sum nna, myu baw sang ni a rap ra ai ahkaw ahkang n lu ai hte tengmang ai Democracy uphkang ladat n-nga ai majaw rai nga ai. Dai manghkang hpe hparan lu na mahtai gaw, teng mang ai Democracy lai ladat hte, rap ra ai ahkaw ahkang hte hpring tsup ai tinang gam maka tinang hparan la lu ai ahkaw ahkang lu ai, jet ai Federal mung hpawm mung dan hpe gaw gap ai lam sha rai nga ai.
3. Mahtai tam ai lai leng kaja gaw dai bawng dung htawng rawng hkrum nga ai myu sha ningbaw ni yawng hpe shawng shalawt, myu sha bawsang ni hpe gasat shamyt ai lam ni hpe shazim nna tinang amyus sha ni a lu gring, lu ang ai, rap ra ai ahkaw ahkang hte hpring tsup ai Gaw Da ai Tara Ganu ningnang bai lu hkra, seng ang ai myu sha ningbaw ni masum brung jahkrum ladat (tripartite dialogue) hte gaw gap sa wa ai gaw jaw ai lam madung rai nga ai.
4. SPDC gumshem gaw 2008 ning na Gaw Da ai Tara Kanu hpe tara rap ra ai lam nnga ai sha atik anang shagrin la ai hte maren du na 2010 ning ra lata poi gaw dai n'tara ai Tara Kanu hpe asak jahkrung let hpyen dap daru magam tut nawng ngang kang hkra galaw ai lam sha rai nga ai. Dai ntara ai Gaw Da Tara Kanau a majaw anhte myu sha ni a rap ra ai mung masa ahkaw ahkang lu lam n nga ai hta sha n'ga tinang buga ginra mying, htung hking hte amyus pyi mai mat wa ai lam gaw Gaw Da ai Tara Kanu Daw (9/c) hta asan sha mu lu nga ai. Grau nna Gaw Da ai Tara Kanu (20/e) hta mung dan asuya daru magam ahkang aya hpe tara shang zing la lu hkra masu ka da ai lam gaw 2010 ning ra lata poi hpang de raitim, mung shawa masha ni ra sharawng ai jet ai Democarcy de gau ngwi ngwi galai shai na lam n mai byin hkra hkalem da ai gaw sak se rai nga ai.
5. Tinang myu sha mung shawa kata kaw na shangai chyinghkai wa ai KIA hpyen dap gaw 1962 ning January 10 ya shani Manmaw Ginwang Nba Pa Salang Kahtawng e tinang mung shawa hte chyamtang dagam sakse maw hkye hka da ai hpe myit dum let, tinang amyus sha ni lu gring lu ang ai mung masa ahkaw ahkang sha n lu diingsa, dai mazut ai hpyen hpe gasat ra ai re majaw, sinak langnak hpe n tat ai, BGF hkrang de mung galai ai lam n'nga ai sha, mung masa pangdung ngang ngang kang kang hte amyus sha lawt lu lam de she lam woi na n gun jaw shatsam dat ga ai.
6. BGF hku hkpla sai gaphkat jahkring uhpung ni mung Myen hpyendap a yuk jahtuk myit jasat jasa hpe yu nna, aten n hpang hkrat shi yang dai tai hpyen madung hpe madaw gasat ninghkap na matu shadum shahprang dat ga ai.

UK Office:
Tel: 44-1234 360 725,
Tel : 44 – 798 562 1298
Fax: 44-208 568 2246,
Email: knooffice_uk@yahoo.com
Fax: (443) 283.4016

Thailand Office:
Email: kno_office@yahoo.com

India Office:
Email: kno_india@yahoo.com

USA Office:
5842 Stevens Forest Rd. #23
Columbia, MD 21034
USA
Email: kno_usa@yahoo.com

Denmark Office:
Tel: (45) 7543 7227
Email: knodk@yahoo.co.uk

Japan Office:
Email: knojapan@yahoo.com

7. Dai majaw, tinang amyu sha mung shawa ni myit ung ang ai lam n nga ai sha, mang hkang a ru di n pawt Myen hpyendap a hpyen uphkang masa hpe ladat amyu myu hte gasat shamyit kau na lam hta ngang ngang tsap let shang lawm shakut ra sai lam n dau shabra dat ga ai.

Ginjaw Komitti

Jinghpaw Wunpawng Amyu Sha Kong Si (KNC)

Jinghpaw Wunpawng Amyu Sha hpung (KNO)

13th October 2009

Matut Mahkai:

1. Duwa Bawmwang La Raw , Ningbaw Kaba (0086 13534381969)
2. Duwa Mahkaw Hkun Sa, Ninggawn Amu Madu (0044 7828268801)
3. Slg. Sadan Hkanhpa Tu, Ningtau Amu Madu (0044 7950577051)

UK Office:

Tel: 44-1234 360 725,
Tel : 44 – 798 562 1298
Fax: 44-208 568 2246,
Email: knoffice_uk@yahoo.com
Fax: (443) 283.4016

Thailand Office:

Email: kno_office@yahoo.com

India Office:

Email:kno_india@yahoo.com

USA Office:

5842 Stevens Forest Rd. #23
Columbia, MD 21034
USA
Email: kno_usa@yahoo.com

Denmark Office:

Tel: (45) 7543 7227
Email:knodk@yahoo.co.uk

Japan Office:

Email@ knojapan@yahoo.com